

獨

學

廬

二

稿

獨學廬二稿卷二

鵲聲集 古今體詩一百三十首

東吳石韞玉著

燕燕

燕燕將雛在綺樓  
雙飛雙宿兩經秋  
主人今日翻如客  
別汝孤蹤事遠遊

元旦清風鎮早歲

旅析傳催夜色闌  
僕夫燈火促征鞍  
年時此日趨朝去  
侍女薰衣護曉寒

肥水

策馬渡肥水千峯當路生  
置郵通大道保障立  
雄城舊俗猶陶穴  
邊屯或馬耕古來秦晉地  
設險自天成

永濟道中

臘盡春猶淺山風滿客衣  
野明殘雪在村暝夕  
陽微馴犢依童立驚禽掠馬飛  
蒲東問蕭寺松  
亞閑柴扉

將渡黃河寄簡都門親友

行盡蒲東路百盃一封書寄報平安  
清時不覺秦關險世論多云蜀道難  
節過上元風漸軟地

經太華雪初殘前途日與青天近十萬峯巒足  
下看

寶雞作

斗大陳倉接蜀郵  
麗譙夜火列星稠  
行人小住圍城裏  
尚有書逋了不休

入棧作時方有賊警

書生豈有勒銘才  
漫請長纓蜀道來  
楊柳綠依我帳近  
櫻桃紅傍戍樓開  
回溪轉石喧如雨  
飛騎穿林疾若雷  
但願及時洗兵馬  
敢求顏色上雲臺

夜宿馬道

荒村十家九空舍亂後易生風鶴驚逆旅不逢  
五漿饋驛路那得霍旌迎篝火向壁淡無色棧  
馬齧芻喧有聲似聞蜀道勝秦嶺計程明日過  
褒城

褒城驛

風吹林雨濕征衣匹馬穿雲入翠微山出泉源  
花竹盛地經兵火市廛稀荒村夜靜無厖吠野  
屋春深有燕飛道路忽傳好消息將軍新解七  
盤圍

## 七盤嶺記事

夜宿寧羌州朝登七盤嶺峻坂崎嶇高入雲過  
關卅里無人影昨宵驛吏向我言官兵半干關  
上屯如何今日驅車去匹馬隻輪無覓處鬚頭  
童子草間出戟手指天向余說連日關頭曾列  
營旌旗蔽日刀鎗鳴朝來忽聞有賊信頃刻倉  
皇拔營遁我聞國家設兵以衛民如何賊猶未  
至兵先奔道旁一叟向余泣但怨官兵不怨賊  
官兵避賊如避雷賊去百里兵始來賊來焚掠  
有餘燼官兵所過掃地淨佩刀不斬賊人頭但

入村舍屠猪牛戰馬無芻又無豈中田羣行麥  
苗秀村居十室九無人繡戶文窗摧作薪承平  
將吏工諧笑不習戎韜習文貌忽聞賊去心腸  
寬整頓弓刀迎上官上官問賊曰小醜小醜至  
時大兵走

西溪

麥苗將穗豆初花柳下柴門是釣家策馬仙人  
橋上過此身忘却在天涯

舟泊叙州

維舟向山郭萬室帶烟蘿雲氣蒸青嶂風紋蕩

綠波長堤通驛傳空谷有樵歌戎馬川東北何  
時慶止戈

南川盛尹負米圖

祿養本為親仕者每遠游吁嗟望雲心常懷萬  
里憂我行典巴郡南川有賢侯侯方奉諱歸百  
姓扳轅留扳留父老情遺愛古如此孝子戴星  
歸固無可留理至郡將告行蕭蕭少行李袖出  
負米圖欲語淚不止感君荊水恩增我風木悲  
我親棄我早我祿親弗知行役徧九州懷歸未  
有期何時遂初衣誓墓吳山垂



題十美圖

靈巖高築館娃宮  
禍啓夫樹召女戎  
霸越亡吳緣底事  
一生知己報陶公

西施

相如新聘茂陵姬  
垂老文君怨別離  
回首靡蕪山下路  
負心不獨在男兒

文君

一曲琵琶紫塞春  
受降城外草如茵  
單于職貢

關氏貴絕勝長門  
望幸人

明妃

樹風別館日邊開  
樂府新翻赤鳳來  
漫說貫魚恩澤好  
自家姊妹尚相猜

飛燕

橐韃十載從王師  
臨陣曾搴大將旗  
當日功成

報天子策勲曾否到蛾眉

木蘭

錦衣短後玉花驄如海侯門有路通非是美人

輕去就托身難得是英雄

紅拂姓

文起中央四角通佳人心盡錦機中胸藏經緯

知多少百樣吟來百樣工

蘇若蘭

宮嬪論詩有定評一時沈宋便知名玉衡縱使

量才是已覺君王待士輕上官婉兒

玉妃從韋曲江頭士女傾城看稷遊莫怪君恩

及秦隴漢家趙李總封侯楊太真

校書家住錦江濱手擘吟牋疊雪新幾輩掃眉

才子在此身欲托更無人  
薛濤

試院作

偶假文章役聊停案牘勞  
清吟消夜雨逸思助  
秋濤醉誤新題刺涼思舊

賜袍風簾人靜後孤月碧雲高

自見已渝月盈虧六度過  
菊畦霜信晚蕉院雨  
聲多政託彈琴簡書讎舉  
燭訛軍符猶載路諸  
將近如何

試畢示諸生

曾荷

先皇付玉衡采風又見錦江清漫嗤白雪已人  
調最喜青衿魯國名老馬循途思舊迹嬌鶯出  
谷試新聲吾門衣鉢分明在指點雲霄望後生  
郡齋偶成

春風隨我到天涯桃李成陰燕有家歸計每成  
烏鰂墨閑情空寄碧雲馱身非藥樹難醫俗心  
愛神羊善觸邪杜老平生原自斷不將苜蓿卜  
風花

戟門兵衛護重關官閣開簾見遠山綠野不逢  
牛轂餽青林時聽鳥綿蠻庭無留獄刑書簡篋

有陰符士氣閒想到故園松菊好夢中誤喜遂  
初還

客貽雙菊漫成

秋盡巴山百卉凋芳華殿歲見孤標相思似遇  
良朋至整對能令俗慮消霜後清芳寒欲徹月  
中淡影瘦難描故園若與松同壽留我歸來証  
久要

詠文旦十六韻

野圃登秋實生香活色慘問名園叟牒定價估  
人擔葉亦文官號花曾靜女簪瓜分丹液滲甌

繫綠陰香萼青箬色同橘黃羅餉比柑剖驚萍實  
艷咀奪蔗漿甘心齒冰絲脆留胸雪味醺嫩隨  
纖手臂妙許慧心參種不踰淮北聲尤盛海南  
懷歸希陸績列狀補嵇含贈擬投桃古吟輸暇  
荔諳韻馨陳縣几饋遠薦筠籃辭樹經霜晚承  
筐帶露涵渾圓防轉側碩大礪封函錫貢炎方  
貴嘗新壯月貪詩成無故實儉腹抵生慙

秋日述懷

客意自寥落非關秋氣悲枯槎歌礪路豐草亂  
生池激水魚頻躍危巢鵲未知匏瓜繫無匹空

負白雲期

合州查賑歸有作

水穿三峽通鹽井山東雙江抱合州已與芸生  
同痛癢敢忘桑土費綢繆老農避賊先清野健  
婦防身亦佩牛漫與孫吳談遠畧暫時休息即  
良謀

湘琴自丹稜來見訪喜而有作

錦城小別忽經秋千里遙來訪戴舟執手風前  
同一笑宛如身在夢初樓

湘江秋水霽澄鮮雲棧嵯峨雪後天多少平生

奇絕境丹青能手一時傳

眉山文獻說蘇黃舊迹城南大雅堂書喜涪翁  
吾有癖屬君遠寄莫相忘

和杜陵諸將五首元韻

蟻賊經年聚黑山  
烽火接秦關  
元戎籌策  
韜鈴外大府威儀將相間  
入幕始知中壘貴  
掉鞅頻見左輪殷  
江城旦暮軍符急  
何日饒歌一破顏

側聞道濟是長城  
新建征西大將旌  
楚國羸師  
寧誘敵曹侯野戰可知兵  
一夫倚劍山皆險  
千



里飛芻路欲清莫謂策勛先汗馬終須奇計用  
良平

陳倉古道遠傳烽蜀棧連雲設險重露布屢聞  
三捷奏函關不見一丸封諸軍轉運無虛日累  
詔蠲除缺正供官府度支天下繫搃持大計在  
司農

孫吳名已鼎鍾標六載烽烟尚未銷少府持籌  
頻瑣瑣中軍借箸竟寥寥清談何補空捫蝨好  
爵虛糜儘續貂不信魏公真斌媚更無忠讜報  
熙朝

錦城數見檻車來世事如棊亦可哀累歲墮書  
頌下國幾人弓劍上雲臺雞竿肆赦頻開網蛇  
影然疑尚在盃寄語諸公各努力  
聖人宵旰正求材

述夢

我生蹤跡如飄蓬坎行艮止憑鴻濛昨宵夢赴  
蓬萊宮仙人招我碧芙蓉木蘭之槎貫月同不  
帆不艣行飛空滄波萬頃磨青銅星辰不動天  
無風鯤遊鵬搏一瞬中忽登彼岸披蒙茸我欲  
問津逢海翁謂我此是扶桑東桑麻陰翳阡陌

通粉榆雞犬如新豐人生富貴如飄風我心不  
樂憂忡忡綠章草就投天公急流欲退言由衷  
或者思之鬼神通寤寐來告開愚蒙邱園可貴  
龜筮從冥冥高舉隨蜚鴻

放言

仕宦至二千石古人以為榮名今我忽忽不樂  
毋乃不近人情男兒隨地有志此意真如耳鳴  
獨知不能共喻他人安得相爭我生四十有五  
平生有志無成文不能調台鼎贊襄密勿承明  
武不能握兵符風雷號令施行坐守一州斗大

消磨秋蟀春鷓何似拂衣歸去江湖放浪餘生  
杞菊一廬偕隱鷗波萬里同盟

讀漢書

孝文令主日方中一代皇猷雜伯功也解傳經  
譯蝌蚪却目訪道問崆峒徐驅玉轡尊周勃特  
敕銅山賜鄧通清靜牧民原上理惜教方術累  
淳風

治平宸數武皇年武緯文經百事全三品鑄金  
終病國百方采藥可逢仙中宮巫蠱寃成獄晚  
歲輪臺悔拓邊却怪少孫書闕畧但將封禪補

成編

漫從故紙乞精靈振古無憑是汗青王莽亂臣  
能學禮馬融姦黨解談經三公布被終尸位四  
姓枵房易勒銘洛下少年心跡進妄思痛哭動  
明廷

書生水鏡肯教誣旁魄偏難論兩都蘇武不歸  
終索虜衛青未貴本人奴上方可許誅張禹罵  
座誰能救灌夫歷詆公卿緣底事請從屋上試  
瞻烏

溪山獨釣圖

雨笠烟蓑老此生溪山隨處刺船行却思五月披裘客未必無心欲釣名

徐文長玉印歌

客來贈我古玉印文長兩字朱文璘我從文苑考姓名此人合是天池生當日倭夷寇吳越鯨鯢蟠踞滄波窟將軍建節鎮東南伏波橫海同勛伐徐生才調壑羣英羽檄飛書倚馬成封章草盡三千牘秘策胸藏十萬兵頌成白麻天應笑吟到紅袍客盡驚一朝謠詠流九起將軍大樹飄零矣對簿方知獄吏尊茹刀甘為田橫死

破帽疲驢走九邊  
武安殘客少人憐  
歸家落魄  
惟耽酒滿腹離憂  
欲問天當時鑑水呼狂客  
此日文壇儼謫仙  
將軍肘後金如斗  
輸此聲名萬古傳

奉和楊荔裳方伯試院述懷之作

灤水東西蜀道長  
大賢為政頌聲翔  
軍門屢建平戎策  
試院重開選士場  
列郡橐弓將有慶  
諸生櫝玉正觀光  
浣花風氣今猶古  
萬口爭先誦錦章

素欽山斗望  
崔嵬韋綰銅符作吏來  
膏雨已蒙

郇伯澤元風又識子雲才紫薇舊業曾華

國白雪新篇只愛材愷悌不回君子事邦人藉  
藉祝臺萊

萬條紅燭映風簷官鼓傳催棘院嚴沈宋知名  
齊入穀歐梅酬韻不分簾龍門晨啓霜威肅席  
榜宵僉墨瀋黏遙想詩筒郵寄處洛陽紙價一  
時添

搢觚塗抹憶當時世事如雲無定姿橐筆並趨  
鰲禁直吹笙同賦鹿鳴詩一麾自分天淵隔四  
海猶言杵臼知共向槐黃尋昔款秋風回首不



勝思

寄懷方有堂太守

頻年傾耳聽長風一昨相逢意氣融  
橫草功名成馬上運籌韜畧寓詩中  
公卿久已知田叔父老猶思借寇公  
忠萬近聞妖祲淨歲寒雞黍候君同

葺妙雲精舍既成戲題一律

薜荔為垣芍藥房盧家不數鬱金堂  
幽栖地比桃源好學舞人如錦瑟長  
燈影避風箴夾幕屨聲步月轉回廊  
羨他蝴蝶花間活擬向莊生乞

睡方

春日對酒有懷吳生兼山

玉盃珠柱庾公家萬里曾停問字車紅友頻邀  
花入座蒼官解與石排衙人情伸屈甘同蠖世  
事公私苦問蛙鴻雁不來之子遠羌無佳語寄  
侯芭

溫湯峽

溫泉世所希此郡乃有二一在巴江湄一在璧  
山治地豈有丹砂泉出乃如沸乃知揚左賦諸  
奇實未脩目之思舊遊地殊事亦異我昔遊歷

陽曾著香泉記緬想昭明迹流連三致意昨歲  
過驪山信宿華清地親試蓮花湯吁嗟天寶事  
今茲典斯郡非無探奇志誠恐供帳煩重為父  
老累空聞溫湯名弗敢駐騶騎何時乞閒身遍  
訪蜀山秘斯泉恣泳遊掬斟酌隨我器

初春與英已亭司馬譚子受別駕同過蒙  
子園看梅并訪主人張玉屏檢討

絳雪蒼霞一塢凝幽人芳樹若為朋踈鍾輞水  
招裴迪新月柴門訪杜陵坐榻煖分茶竈火吟  
毫香蘸硯池冰不嫌冠蓋經過俗竹裏呼門有

鶴磨

奉題趙損之先生丙舍授詩圖遺像卷

先生名文哲官中書舍人隨征大小金  
川死於木果木之變追贈光祿卿謚忠  
愍

磨盾曾揮萬里毫紫薇花亞謫仙曹雲間舊夢  
尋鷗約馬上新篇補豹韜猶有青箱貽故紙更  
無碧血瘞征袍側聞世賞

恩重沛追錄書生汗血勞

嘉慶四年有  
追錄前勛給恩騎尉

職世

鵠聲集

桂門關營次作

石磧秋風勁營門殺氣深  
官同牛馬走士識烏  
烏音刁斗晨炊黍胡床  
夜擁衾前山新破賊  
燐火滿青林

軍營雜述

百丈關前壁壘新  
朱絲生繫蚩尤身  
秋來一月真三捷  
將令椎牛祭纛神

當年臚唱

紮宸時簪得宮花第一枝  
今日帽簷影翠尾  
路人錯認羽林兒

腰間錦帶佩吳鉤  
借箸還參帷幄謀  
策比東平老常侍  
貂蟬我反換兜鍪

雲臺諸將各登壇  
可有韜鈴策治安  
却聽神人帳中住  
常將凶吉報田單

不信從征有木蘭  
強教妹喜著男冠  
三軍忽有桑中約  
細馬馱歸李阿端

翩翩書記共招携  
黃土青雲事不齊  
惟有東陽沈長史  
無端征戍玉關西

即事雜詠

萬里龍沙久築城  
雪山星海遍千旌  
紫臺絕塞

無遊牧赤子潢池自弄兵上相憂時徒慷慨書  
生本愿欲澄清

至尊有詔開賢路周道猶來似砥平

元老登壇衆所尊嘉陵東北陣雲昏幾看赤羽  
將清野無奈青蠅又止樊上路驂駢來劍閣秋  
風金鼓震夔門司勳不少平戎策只恐當時號  
罪言

錦水東南聽鼓鼙潼川高壘列旌旗淮陰背水  
原非法林父爭舟亦可嗤稍喜譖人畀豺虎况  
聞

溫詔恤瘡痍巴西民氣重蘇息猶幸春耕未失期

參贊西來汗馬勞諸軍河上自翔翺壯夫棄甲空橫草健婦登陴亦佩刀漫說六師分席竹豈無一士習龍韜可憐白首封疆吏一半朱絲就法曹

一昨旌符擾市廛巴山東北徧戈鋌四郊守險狼烽矗萬室憑高燕壘懸介子功成不言祿武侯病卧尚籌邊饒歌早奏清平曲父老瘡痍已

七年



才視韓彭本軼羣何來卿子冠諸軍  
離人命輕於草仕宦交情薄似雲  
吳越同舟心共濟薰  
猶在器臭終分翩翩書記從戎久  
一觸鋒端莫解紛

褒鄂英風舉世傾論功行賞事難平  
盧循蹈水原非死張祿歸秦已變名  
蜀國神巫空決策趙家廝養盡專城  
書生橐筆從軍久轉視雲臺將畧輕

諸軍百戰埽欖槍露布飛馳入建章  
畫象共推典屬國策勛先拜羽林郎  
玉關路遠烏頭白鐵

甲人歸馬腹黃衛霍功名垂竹帛幾多新鬼哭  
沙場

三韓習俗本婁羅馬上羣呼曳落河斛律僉名  
常視屋武安謝病竟投戈忽訛廣柳歸連尹又  
聽明珠謗伏波人世風花多舛午升沈天定敢  
誰何

談兵紙上儘云云兜戲無如灞上軍趙括讀書  
終自誤孫陽相馬竟空羣但聞渾濬爭新寵莫  
與甘陳訟舊勛不喜賈生陳政事可知絳灌本  
無文

秦嶺風雲接漢陰木門竹峪路交侵終愁山藪  
多藏疾不信豺狼竟草心

聖德頻開三面網神姦仍鑄九州金此方兵氣  
銷難盡將戢干戈慮轉深

短後行袍戰血乾幾時烽火報平安馬回戀棧  
依人久鶴到乘軒受甲難老子申韓何共傳賈  
生絳灌竟同官晉間長缺思歸切不向西風更  
彈冠

碧血青磷集鬼雄平沙浩浩戰場空招魂紂絕  
陰天外薦福華嚴小劫中一曲風雲思猛士萬

夫肝腦報元戎白頭不于斜陽裏更有新豐折  
臂翁

華陽黑水古梁州豪士天生衛霍儔兩度勒銘  
傳劍外三年橫策埽旄頭鮮卑語妙通中國呼  
藥官尊視列侯十萬貔貅清蜀道將軍權當錦  
衣遊

賣繒屠狗有英流駿向驪黃以外求執策庸奴  
皆上將竊鉤佳賊亦通侯江山故宅安鷗尾軍  
衛新銜冠席頭但得健兒好身手不妨麟閣畫  
獼猴

錦瑟華年彈指過悔教簪笏易雲蘿  
瓠瓜不食長虛繫古井無風自起波  
載鬼一車終筮吉渡河三豕孰讎訛  
鵲聲自喜鵲聲苦百鳥鳴春總不和

忽聞申息有違言八表傳雲信手翻  
肯以鵲人疑叔子悞將同乘託公孫  
一尊酒罷留弓影千里舟來刻劍痕  
世事如棋何定相輸贏且待局終論

萬峰蜀道勢嵯峨七載烽烟慶止戈  
每聽鼓輦思將帥更聞帶礪誓山河  
當時星火軍符急于

野元黃戰血多山鬼國殤無貴賤招魂同入楚  
人歌

溪山雪霽圖為錢衡香刺史賦

化工玉戲本無端一片光明世界寬蕉葉畫成  
原是誤梅花尋徧不知寒雲中鳩鵲唐宮遠天  
半峨嵋蜀道難何似故山歸計穩草廬深處問  
袁安

題俞敬先主簿細雨騎驢入劍門圖

同是天涯薄宦身劍門東北尚烟塵春風回首  
湖湘路草長鶯飛自可人

秋日偕方有堂太守放舟白帝城即事懷

古

白鹽赤甲鑠夔門  
灩澦驚濤萬馬奔  
八陣風雲空節制  
一軍猿鶴自煩冤  
江山舊事歸籌筆  
杞菊新香入酒樽  
鳴咽永安宮外水  
英雄成敗本難論

巫山道中

一山陰雨一山晴  
鏡裏峰嵐百態生  
江到夔門初設險  
雲回巫峽特知名  
叢祠社散神鴉集  
古戍樓高畫角清  
塵世悲歡都幻想  
有何客淚落

猿聲

甘后墓 在夔州府後山

寶帳珠襦迹已陳  
惠陵草木尚同春  
卽今地下亡金盃  
在昔宮中妬玉人  
巫峽荒唐神女浴  
川遊戲宓妃塵  
何如翟茀君王后  
萬古烝嘗廟食新

雲陽謁張桓侯祠

將軍舊績著西川  
稗乘傳聞誤後賢  
折節但居關羽下  
論才不讓馬超先  
壯夫累草心長在  
敵國歸元貌儼然  
父老烽烟今七載  
可能靈佑蜀



江邊

雲陽道中榜人不戒舟為灘石所敗詩以

志事

自持忠信涉波濤擊楫中流興正豪方喜水清  
能見石誰知河廣不容刀青蓮捉月吾非侶赤  
鯉乘風爾莫驕檢點蘭亭無恙在等閒生死亦  
鴻毛

偶過綏定城南西聖寺

翠屏千仞迥蒼涼中有華嚴古道場八部天龍  
森法衛一房花木駐幽芳洞名方響疑仙樂樹

號圓生即佛香不待逢僧多說偈空山寂歷道  
心長

陳解元伊言自夔門寄詩見懷依韻奉酬  
并簡有堂觀察

賢者交遊遠俗氛雙魚千里忽相聞江山風月  
思三峽猿鶴蟲沙溷一軍耻與周人爭甌璞喜  
從燕市識龍文老夫衣鉢將傳子記取承蜩志  
不紛

肯將尺木門凡鱗鏡裏吟髯雪點新孤矢難償  
男子志鶯花空負故山春風雲得路非能强竿

木逢場亦未真歎息班生今老矣更無戲論可  
酬賓

白沙河途次墜馬受傷詩以志之

不施鞚勒騁飛黃親歷王尊叱馭鄉但抱壯心  
瞻馬首豈知歧路入羊腸千金自冒垂堂誠百  
藥先尋補骨方從古王臣當蹇蹇幾人安步到  
康莊

正月十三日旋郡作

試燈天氣月如銀花亞瓊筵耐結璘理曲調箏  
三婦艷典衣置酒一官貧小山招隱思君子香

草離騷念美人誰似青蓮李居士解將詞賦惜  
餘春

粥粥羣雌在錦帷賞春有分不妨遲纔從古渡  
迎桃葉自譜新聲付柳枝酒味醲於初熟候花  
光艷在未開時綵毫草畢平蠻檄歸向粧臺更  
畫眉

癸亥花朝為么姬二十初度戲成四律寄  
之

桃李容華錦瑟年百花同命自嬋娟吟成豈寇  
春將半看到嫦娥月向圓胸抱紺珠工記事夢

傳綵筆寄吟箋閨中邢尹皆同調應為朝雲啓  
壽筵

穉柳夭桃各弄姿故園春色繫人思戲為隱語  
呼珠女學就新聲鬥雪兒望我歸期占鵲語知  
卿心事驗蛇醫莫誇夫壻專城早已到羅敷二  
十時

長陵小市駐雕輪憶聘雲英掌上身謚作洞簫  
目協律願為莞席待橫陳辟除噩夢憑剛卯摹  
寫風懷入秘宰休笈維摩新示疾室中容得散  
花人

溫柔不羨白雲鄉  
籓室春多樂未央  
蔗節旁生  
總佳境桃根後至  
竟專房懷人應樹  
忘憂草偕  
老還愁結願香何  
日五湖風月裏歸  
帆一葉載  
夷光

西聖寺僧房牡丹初開同人携酒賞之

尋芳尋到遠公家  
紫玉迎風乍吐芽  
官偶偷閒  
同載酒佛曾含笑  
為拈花已過穀雨  
春猶淺欲  
寄朝雲夢轉賒野  
衲亦知矜富貴錦  
幃翠幕自  
交加

陳笠帆觀察奉諱北歸賦詩送別

同鄉同榜復同官海內知交似此難跡比浮萍  
時聚散信隨修竹報平安姓名偕入山公牘奧  
味應彈貢禹冠今日臨歧重賦別幾多悲喜集  
毫端

白雲親舍隔春暉將母初心痛已違杖屨賞功  
影翠羽蜉蝣雪涕灑麻衣祗緣王事賢勞久誰  
道天涯遠宦非回首京華瞻北斗歸驂未動早  
神飛

憶昔宣南比屋居逢花對酒必相於旗亭問訪  
新翻曲鄴架傳鈔未見書我忽勞薪先鞅掌君

隨借箸典儲胥通川五載重懽叙敢說雲龍樂  
不如

妙手調羹五味和等閒宦海靜無波軍門磨盾  
偕籌筆官閣投壺共雅歌萬里歸家遊子願七  
科同館後生多鯉庭尚有聞詩訓莫效元平廢  
蓼莪

### 暮春書懷

自從戎馬蜀江湄欲覓封侯苦數奇春色漸隨  
樊素老宦情惟有杜鵑知望雲鶴已乘軒倦上  
竹魚猶縱壑遲回首五湖烟水濶黃金何日鑄



鵠夷

當時解褐換朝紳轉燭先陰十四春清珮曾趨  
三殿直勞薪徧歷九州塵官逢鄧禹應相笑賦  
擬揚雲未逐貧聞道釣天張廣樂可知世有謫  
仙人

聞三月初二日考試翰詹寄懷同館諸子  
瀛海蓬山路杳冥漫將位業定真靈幾看卿士  
同明月却諱郎官應列星六鷁退飛過宋野一  
夔率舞向虞廷塵中人苦風花舛聽得神仙劫  
又經

排悶

昔奉神仙職曾居侍從班  
風塵俄隕落戎馬又  
間關貝錦多銷骨金丹不駐顏  
近來新樂府惟  
譜念家山

夔府留別方有堂

王粲從軍地嚴公典郡時  
江山夔子國風月謝  
家兒埽榻留賓久登堂拜母遲  
循良原衆望儒  
雅獨吾師

龔稼堂刺史罷官南歸將就廣文之職詩  
以送之

戴石方知陸績貧一琴一鶴僅隨身共游宦海  
風濤裏心羨先登彼岸人

諸公衮衮點朝班方朔今居吏隱間首簪一畦  
三徑菊秋光好處可歸山

壯心已寫遊岷帖歸計先成誓墓文從此會稽

王內史精神專壹向鵝羣

稼堂善書

得喪何心問塞翁苦將階級困張融與君預訂  
尊鱸約一舸烟波笠澤中

書譚子受別駕扇頭即和楊荔裳方伯贈

詩元韻

卅年藏器自摩挲，記得清明讌上河。  
秘閣談詩宮體艷，旗亭畫壁酒人多。  
請纓闕下公卿羨，磨盾軍中將帥和。  
漫認健兒身手好，釣天曾奏九成歌。

醉後為李郎題扇

花裏秦宮最善謳，芙蓉深處按梁州。  
吳儂未飲心先醉，不羨神仙藥玉舟。  
桃李飄零柳絮飛，空梁小燕獨無依。  
盧家儘有金堂好，高捲珠簾待汝歸。

有堂觀察于役裏塘賦詩寄示，依韻奉酬。

時觀察有陳情之請故詩及之

兜鍪已解又遄征  
蠻女羌童識使旌  
萬里鑿空通佛國  
一方保障仗書生  
得

君命達功名早將  
母情真仕宦輕  
賢者行藏原自斷  
不須卜肆問嚴平

即席調周秋塋刺史兼寄笠帆同年

山香一舞集羣芳  
蕙暢筠清各擅場  
惟有情人劉碧玉  
回身單就汝南王

欲采芙蓉有所思  
當筵不見舊瓊枝  
箱中紅豆分明在  
腸斷周郎顧曲時

南浦春波綠萬重  
賦成別恨寄文通  
天台一片桃花影  
偏向劉郎去後紅  
桃根憔悴柳枝嬌  
爭向臨川奪紫標  
鸚鵡籠中莫饒舌  
好音今已屬鴟鵂

漫成

夜戰多金鼓  
晝戰多旌旗  
孫吳著成法  
將為兵家師  
後人習野戰  
遇寇惟窮追  
技擊與節制  
一切無所施  
退亦不聞金  
進亦不聞鼓  
雲集而雨散  
士卒自為主  
敗則諉諸天  
勝亦夸予武  
如此英彭流  
噲所不屑伍

有堂觀察陳情得請賦詩寄示次韻奉酬  
既拜陳情表還歌出塞章勞人將息輟游子自  
懷鄉愛日心何極乘風願已償遙知清白吏載  
石即歸裝

和答法時帆學士

昔校天祿書燃藜對太一宮錦錫臣衣尚書給  
臣筆一朝執策去從軍萬里馳驅馬上身繫甲  
韜戈今不用

朝廷但識軍容重紛紛諸將各論功書生亦上

雲臺頌

送鄭靜山觀察之官建昌

漢嘉山水古名疆  
雅雨黎風蜀道長  
濟勝先求邛竹杖  
尋春親識海棠香  
十年汗馬勛書竹  
一路吟詩錦壓囊  
更有策如人意事  
明珠新聘得夷光

惆悵詞

紫玉經時已化烟  
瑤臺纖月未曾圓  
寒簧本住清虛府  
暫謫人間二十年  
執戟三年始洗兵  
歸來不見舊雲英  
一聲檀板湘簾下  
猶聽鸚哥喚小名



浣花溪上薛濤墳蝴蝶灰飛古錦席萬里江天  
歸計杳一邱芳草葬朝雲

錦水東南繞益州芙蓉花謝可憐秋玉簫縱有  
重來約只恐韋郎已白頭

獨學廬二稿卷

學易齋吟草

古今體詩九十八首

東吳石韞玉著

自題藏器圖

丈夫五十不封侯  
晉聞錦帶閑  
吳鉤藏器不用  
君勿怪平生四海無恩仇  
英雄不學一人敵  
匣中芙蓉今繡澁  
藻鑒曾逢秦客相  
卮言空聽莊生說  
結客當結虬髯公  
學仙當學黃石翁  
傾蓋一言肝膽盡  
不教纖芥留胸中  
我思侯門彈鋏  
原非計妙手空空亦免戲  
誰能指揮六合烟塵

清劍戟全銷鑄農器

沈硯畦四十初度占兩絕壽之

萬里歸來鬢未華重携枯管祝生花  
願君讀曲彈琴暇勿忘龍沙夜聽笳

祿養原非宦興濃藍田廳事強哦松  
祝君但得如松壽自有功名到鼎鐘

題傅青主水墨花卉畫冊

百卉生含英朱紫各異色孰為繪畫是斯理  
不可極達人多慧心緣物以為則心慮五色迷  
一切守其黑所尚在元同豈徒去雕飾春風天上

來草木蕃以息當其未萌芽皆藏太元域智者  
參物理寄情水與墨渲染忽成形賢愚共能識  
靜參造物理生機滿胸臆一一性海來詎假丹  
青力

題趙蘆洲太守雪裏從軍圖

萬里青天蜀道難雪花如掌鐵衣寒即今顏色  
披圖在不滅凌烟閣上看

絳節朝天往復回秦川一路淨征埃從茲五馬  
行春去劍戟全銷買犢米

題洪石農畫冊

不須高隱住青門何事危言和漆園記取周京  
瓜瓞句長留第祿到兒孫

湘浦菱蓮蜜樣甘兜羅綿手憶瞿曇生香活色  
神仙供不許尋常草木叅

溪山新霽又新秋深樹浮嵐翠欲流不向倪黃  
尋粉本一團蒼老李營邱

臘月八日奉陪嚴筠亭觀察探梅蒙子園  
與主人張玉屏檢討茶話至暮而歸偶  
成二絕句

芳風吹綻向南枝花氣薰人欲醉時却想孤山

深雪裏喬柯如鐵得春遲  
屏除車騎為尋春竹裏茶烟一縷新步到衡門  
無鶴守主人近狀益清貧

岸上舟圖為馬軼凡作

綠水芙蓉彼一時十年戎馬蜀江湄有人畫舫  
齋中住世上風波總不知

我本烟波舊釣徒平生踪跡半江湖何時宦海  
先登岸自寫滄浪鼓枻圖

望峨圖為王雲浦刺史題

頻年戎馬川東北歷盡蠶叢蜀道難惟有靈山

仙佛境無緣只向畫中看

石湖遊記吾曾讀雪嶺雲巒不可蹤却羨輞川  
老居士短衣策蹇佛光中

梁間燕

翩翩梁間燕春日曾將雛營巢主人屋辛楣璫  
瑁檻呢喃引其子閒暇集坐隅飲啄有餘樂耦  
居無猜虞忽然感秋社辭巢將戒途主人喟然  
歎汝往將安徂天涯歲將晏百卉亦已枯不如  
守舊廬暮景安桑榆燕飛不及顧主人言何迂  
不見芳林樹花謝存空村萬物有聚散緣盡還

分趨神離顏難合何苦强虛拘嗟哉巢中燕不  
及屋上烏烏生九子尾畢逋啞啞夜啼守故株

瞿塘

江水出夔門兩崖束如帶咄哉澗澗石當路轟  
礧礧爾無砥柱材强欲塞其兌狂瀾不可迴徒  
為行人害安得巨靈鋤去之萬古畏途一朝泰

巫山十二峯歌

頻年橐筆元戎幄馬帶胡纓人劍服往來六度  
此山中未識山靈真面目埽盡欒槍入

帝京郡符一解即遙行今朝蓬底看山色此身



覽喜無官輕大江滔滔東入楚雲安三峽如門  
戶涉世方知鷗夢恬歸人不覺猿啼苦翠屏一  
峯插天半諸峯窈窕若為伴髣髴錦屏十二釵  
各鬥嬋娟鏡中看我行西蜀家東吳萬里江山  
入畫圖平生覽勝興不孤巫山之奇天下無鳴  
呼巫山之奇天下無

兵書峽

風后創握奇軒皇平六韜維時兵寓農徵車按  
籍數八家居同井八陣出同伍但有守望勤而  
無征調苦戰國井田廢其法稍變古孫子十三

篇實為兵家祖其餘韜與畧智巧各覩護郢書而燕說雖多亦奚補偉哉趙武靈戎服夸予武變車以為騎擊剗如風雨厥後兵家流習此以禦侮八門武侯圖五花藥師譜或員而中規或方而成矩非無少異同孰敢相奴主可知古兵法一廢不再舉不見房太尉誤讀車攻詁義軍四萬人盡化陳陶土大江東南流諸峽如蠶叢相傳兵書峽秘笈藏其中稗乘喜附會地志多雷同嗟彼耳食流何以開其蒙自古知兵人豈由故紙攻運用在一心神竒出無窮岳侯好野

戰所向亦成功趙括讀父書臨事終昏普况乃  
索隱怪天豈誘其衷試觀黃石畧平易六經同

靈風觀

在巫山

蜀山萬疊塞杳冥如后導江駟六丁鑿開巫峽  
通來溟雲峯十二張翠屏楚王曾此逢娉婷我  
今訪古征權停攀陟危磴高矚屏山巔叢祠竹  
柏青廡門沱釘熠繁星中有神人坐明庭非妙  
二八侍玉輶爐烟裊裊春晝靜時有幽鳥闕虛  
櫺空山無人語鐸鈴花氣醉人午不醒不第久  
竹生青寧神鴉迎客殿脩翎洞房明潔塵不到

靈山草木都含馨我聞瑤姬生帝廷左右玉女  
給使令出入風雨走雷霆太陰貴真自鍊形豈  
向濁世儕尹邢洛川有妃湘有靈騷人微辭多  
不經曲士妄言亦妄聽朝雲暮雨訛千齡我欲  
馳烟向山庭削除舊跡鑄新銘山靈聞言若首  
肯世間綺語空臃腥

乙丑元旦

人生百歲期今朝我過半盛顏既蹉跎桑榆日  
已旰昔我始生辰丙子秋穀旦山鷄集庭隅羽  
毛五色燦僉曰文明祥餘慶占爻彖六年就外

塾幼學解書算十八衿始青藻芹思樂泮衣冠  
習揖讓墳索恣點竄頽頽漸成人既婚亦既冠  
稽古鑽故紙勵志寄柔翰思賢詠伐木學道未  
登岸徒抱覆簣心輒興望洋歎孤竹空自鳴芳  
桐屢經鑿三薰韓愈除一刺彌衡漫遭遇

聖主恩選士求楨幹弗以散木棄且作祥金鍛  
射策登龍頭談經入虎觀執簡直胄筵載筆侍  
香案終非天廟器遽被塵鞅絆三接辭日邊一  
麾吟澤畔粗官走牛馬俗士類冰炭軍符磨盾  
急民俗懷輒悍瘡痍憂拊循荏苒符責守捍百事

慮叢脞夙夜我心憚忽然逢伯樂傾蓋刮目看  
屢陳山公牘特設穆生晏飛書馬上傳借箸幄  
中贊頻稱長卿才弗較仲氏嘯坐是徇所知星  
霜今六換倦鳥戀山樊勞人思里閨榮枯雖在  
天行藏貴自斷良庖善藏刀大匠恥畫墁

峽中作

偈仄復偈仄兩崖如積鐵孤舟入其中與波相  
曲折百夫同呼耶十盪亦十決篙聲向水爭帆  
力藉風掣遐想鴻濛初川融山則結不知何王  
代此地忽迸裂豈真似后朝特勅巨靈截其上

浮雲連其下洪流泄晴霄走迅雷暑路洒密雪  
我行徧九州於此歎竒絕溟滓造物初其理不  
可說舉頭望青天蒼蒼一綫揭

青灘

江天殷殷儵聞雷舟人告我青灘來江中亂石  
若碁布水石相激聲喧飀舟行一落忽千丈稍  
有不戒如枯摧我聞古孝子九折之坂回其軌  
從來坦坦幽人塗我獨何為行至此舟子粲然  
笑使君未達理上灘復下灘萬船集如市上灘  
有如魚上竿下灘有如弩激矢去者自徜徉來

者方未已不見宦海中無風波瀾起視此險孰  
多望西而笑人皆喜人生吉祥在知止世上畏  
途不在是

出峽

積雨滿雲巒孤舟出江渚兩崖不見人但聞烟  
中語野老朝趨墟塗遇相爾汝始知出峽來路  
已入荆楚

人日舟中作

孤篷經月峽中行聽水聽風不計程山至彝陵  
忽平遠天逢人日正新晴釣家三五樹邊住沙



鳥一雙烟際明滿地江湖歸未得此心先與白  
鷗盟

元夜舟中獨酌成詩

開歲纔一瞬明月忽已圓我行赴京國晚泊荆  
湖邊青天無纖雲舉酒對嬋娟江村八九家茅  
茨比屋聯兒童戲竹馬笑語聲喧闐嗟我辭京  
闕宦遊今七年初客苦寥落積久亦自然荒江  
夜蕭條頗得清景延雖無管絃樂尚勝戎馬填  
村醪不成醉聊以娛目前

江鳥

衆鳥冲雲路忘機獨羨君棲如六月息鳴亦九  
臯聞自好常孤立相看總不羣烟波春萬頃飲  
啄絕塵氛

獨酌

客久忘寥落扁舟住若家擢歌勝絲竹水味足  
魚蝦辨柳知春色聽鷄感歲華蓬窓一尊酒坐  
到月輪斜

雨泊

漠漠空江雨沙鷗濕不飛晚烟生驛樹新漲沒  
漁磯水色明遙夜鐘聲度翠微巴山諸戰士曾

否洗戎衣

感遇

魚游常逆水鳥飛常逆風魚鳥亦何知化機運  
其中人生寄宇宙辟彼蟲能蟲有順欲無逆所  
見殊愚蒙秋林感黃落春至還蔥蘢榮枯會有  
時循環無始終草木初不言委心任洪濛

夜宿呂堰驛追訪王聽夫事因述以詩

聽夫名翼孫吾友鐵夫之仲弟也少以  
書生入昭信伯李公奉堯幕府為書記  
既而供事宗人府議叙得從九品官之

湖北乾隆乙卯歲白蓮教奸人將作亂  
聽夫權長樂丞長樂之賊蠢蠢欲動矣  
聽夫廉知之密白上官并條陳勦捕事  
宜維時天下無事文恬武嬉聽夫啓事  
至大府共怪其言不祥以他員替之未  
幾長樂枝山來鳳之賊相繼起而襄陽  
老教賊人則以嘉慶丙辰三月十六日  
起於黃龍迤是時聽夫復為呂堰巡檢  
呂堰距黃龍迤僅百里聽夫得其耗集  
父老為守禦計百姓習承平日未覩兵

草事聞聽夫言或從或否二十六日賊入境居民奔散聽夫猶率其吏卒以捕賊已而賊大至呂堰之北有大石橋聽夫率衆踞橋而守俾斬數十賊賊至益衆卽從聽夫吏卒亦漸漸引去禁之不能止矣聽夫自度力盡不可枝梧遂自剄尸隨橋下此嘉慶元年三月二十九日事也賊退百姓尋其尸橋下死者衆骸骨縱橫相雜不可辨僅得聽夫死時衣付其家招魂歸葬而已迨永將軍名永

保督師兩湖以其事聞諸

朝卹如

典而聽夫之死所傳聞有異詞或曰為賊礮擊死或曰為賊所得不屈被戕云余向在威勤公之幕凡獲賊皆得鞫之黃龍逃之賊張忝倫為首也壬戌春總兵田朝貴既殲張忝倫生獲其姪送大營余鞫之則無戕害王巡檢事又言賊甫起時未有火礮也茲事往來胸中不能釋頃因計吏入都道經呂堰宿逆旅主人卞姓家其人知聽夫死事顛末述

之甚詳同紀一詩書寄鐵夫載諸王氏  
家乘可也

鐵夫吾畏友令弟亦人豪少年負奇氣結髮稱  
俊髦讀書兼讀律餘力習戎韜始為昭信客倚  
馬工揮毫周攬九邊勝匹馬時驤超一朝作卑  
官頓首入吏曹是時秦楚間茅蘖生蟾蜍君權  
長樂尉狐鼠伏在郊蝟蠕勢將動議捕計則撓  
移官之呂堰倏聞賊矢鳴父老驚走告閭井塵  
甚囂四方承平久百姓樂怠教武夫諱言兵將  
惰士卒驕軍符累徵調臨事虛翔翺君乃義形

色召集里中豪部勒寓兵法戰守分勁茅衆心  
稍踴躍冒死相招邀初出有誅斬報功絕濫叨  
俄而賊大至萬戟若蜩毛心知力不敵盡命甘  
茹刀尸僵卧橋下碧血淹征袍髑髏亦狼籍日  
久隨波濤竟無尸裹草行路悲號眺父老陳其  
事所司告於

朝祭葬賞延世

天語親矜褒嗟哉一巡檢於

國如鴻毛居然死勤事官豈論卑高魂兮定為  
厲殺賊隨征旄今聞凱歌歸安用巫咸招哲昆



世誼士與我素交要十年鵠原痛志在幽光昭  
疇昔思作誄衆說然疑交今我履其地輿人論  
非訛作歌表餘烈所貴揚貞勞他時補志乘非  
止陳風謠

楊柳

楊柳春先綠秋來亦易凋絮因風力起萍逐浪  
花漂贈遠催征騎含嬌鬥舞菁一聲羌笛怨芳  
信玉門遙

朱仙鎮吊宋將軍岳武穆

諸軍奉詔反戎車痛飲黃龍願已虛千里草青

亡漢鼎六宮麥秀棄殷墟匹夫飛語成冤獄  
辱主甘心受謗書賢后清齋猶報德中原父老慟  
何如

九域烟塵戰伐深六橋花柳已成陰兩宮清蹕  
無消息十世神州竟陸沈南渡自營磐石計北  
征豈合廟堂心清涼居士知機早策蹇移家竟  
入林

汴梁懷古

艮嶽崔嵬卉木奇天書秘密道君知和戎坐使  
金縢盡臨難原非揖讓時燕馬飲河城失險杜

鵲啼樹社將移祖宗杯酒兵權釋終見兒孫弱  
不支

重過邯鄲疊乙卯舊作韻

十年重過趙都闐兔走烏飛促兩輪枕上游仙  
空有夢囊中脫穎更無人燕臺宛在雲山遠蜀  
道歸來雪鬢新問訊黃梁猶未熟幾時天許乞  
閒身

座師王文端公輓辭三十韻

宿列三台座山鍾二華靈拔茅占泰筭戴斗應  
文星筆冢師義獻經畬貫孔邢辭霏梁苑雪名

辨楚江萍清秘燃宮燭

慈寧寫佛經不談溫室樹時聽木天鈴輿論尊  
君實

皇衷識九齡五番主棘院三命上槐廳執法官  
刑倣箋詩

御墨馨讜言持政典正色立

朝廷乘馬忘牝牡知人別渭涇衡平操玉尺

簡在卜金瓶處世何崖岸鋤奸似螭蟻鬚因憂

國白眼為愛才青蹇蹇躬誠蹇惺惺意寓惺

兩朝重遇合一老共儀型妙手工調鼎嘉謨善

叩局籌邊頻補牘薦士必

書屏黃髮歸田里丹心戀

關庭甘盤推舊學孔父守初銘壽滿八旬秩圖  
傳九老形

上方頒錦笥中使騁雲輶虎拜容仍肅

龍光詔載聆

殿頭前席對門下小車停麟條來西野鵬還反  
北溟

恩榮授几杖

錫賚及參苓美謚書博史崇祠享上鉶室無餘

粟廩家有

賜金亭絳帳音塵寂蒼生涕淚零空留衣鉢在  
蒿里不堪聽

松蘿店壁間有雲南選士劉春林題句愛  
其卓犖和者數十人雖工拙不齊皆斐  
然可觀不覺見獵心喜隨筆成詠積十

二首

我行徧九州愛士如愛馬每憐不羈材跼蹐鹽  
車下

莊生逍遙游任世呼牛馬鵬翼將圖南萬里風

斯下

公孫負辨才白馬喻非馬淳于善滑稽勢言滿  
稷下

漢皇尚遠畧西域貢天馬欲留示子孫鑄式金  
門下

歐陽命世才文章亦班馬一時賢士夫皆願出  
門下

涉江必擇舟登坂必擇馬自古知命人不立巖  
墻下

昔為太史公今日走牛馬身雖在江湖心依魏

闕下

微風拂飮稜清韻生簷馬却疑鈴索聲鏘然玉  
堂下

古有振奇人愛妾甘換馬豈如執經生抱膝老  
牖下

佳人坐洞房手弄銀箏馬忽報海棠開笑立瑤  
窓下

知時候鳴雞識塗仗老馬人皆曰予智乃出二  
蟲下

仗劍從軍行飛書常倚馬萬夫夜無譁獨宿在



車下

入都作

宣武城西大道斜垂楊夾路拂行車六街玉樹  
初消雪三月緗桃未放花南苑射生春試馬壯  
門待漏夜啼鴉十年珥筆螭坳客風景重來似  
舊家

蘆雁圖卷為曹定軒給事作

弗避弋人慕飛鳴在莽蒼網羅知不及霄漢意  
難忘湘浦秋如水關河夜有霜迢迢征路遠來  
去總隨陽

望雨

隴頭有鳥苦催耕  
節過黃梅日日晴  
多少卿雲在天上  
幾時霖雨到蒼生

初夏游西山岫雲寺

九峯環抱一峯尊  
蠟屐重來舊逕溫  
將入門時花肅客  
曾題名處竹生孫  
清泉漱石龍常守  
深樹連雲鳥不喧  
問訊遠公今健否  
墓門蒼莽塋孤蹲

夜宿延清閣

綺樓西望夕陽明  
有客登臨暮靄生  
花迳水流

仙籟遠雲房僧定戒香清九峯宛委青排闥萬  
竹檀藥綠繞楹却怪空門太多事苦將鐘鼓報  
嚴更

留題朗月上人方丈

維摩丈室碧雲隈埽盡談鋒見辨才時有化人  
飛錫至不辭俗士獵纓來芳林雨足梅初熟深  
院風和鷓鴣自回識破空花如露電肯教明鏡著  
塵埃

初出都門見田家望雨未得感而有作

六月方徂暑蒼生望雨霖大田鞠為草舊井廢

無禽樹引蟬聲遠沙留馬跡深不辭行役苦望  
歲獨愁心

平原懷古

七國連雞縱復衡趙家公子最知名翩翩當世  
誰同調碌碌回人事亦成飲酒何妨入秦國買  
絲兼欲繡虞卿今人肝膽輕相許幾輩忘身殉  
友生

徐州感事作

黃河之水萬里來流到海門建瓴急黃水一斗  
沙七升借水刷沙古法立水急沙行緩則停斯

理易明衆所習一孔之儒多目論變更成法利  
不十

國家治河兼治漕漕水苦涸河苦瀑鑿通黃流  
入運道以此有餘濟彼耗此議初興動一時衆  
論雷同無異詞但顧近憂忘遠慮無窮流毒今  
始知黃水中分勢無力下游停沙日偏側其旁  
流沙入運河清水積沙亦淤塞初期兩美今兩  
傷謀之不臧咎誰執君不見周靳兩文襄江南  
水利刊成章峯山四閘定尺寸至今依法為宣  
防古人一事百世利今人但顧目前計要知古

今不相及但守舊章勿輕棄彼哉一誤已噬臍  
及今補苴事非易庶人芻蕘尚有言我歌願告  
河隄使

楊莊阻淺

黃流浩蕩海雲邊一葉舟膠阻不前始信蓬萊  
山下水有時清淺變桑田

到家示兒輩

七載西征客鄉關復此過風塵常逆旅歲月若  
流波雁信先秋至蟲聲入夜多我勞殊未已空  
負碧山阿

松竹先人澤衣冠舊里風暫歸渾似客相識盡  
成翁感遇彈長鋏閑情寄短桐平生嘉遜意龜  
筮未全同

絕域三巴險妖氛百戰清曾經憂患後轉覺死  
生輕借箸元戎席飛書大將營漢家空右武衛  
霍未知兵

骨肉雲山隔兵戈道路難危機如集木飛語若  
流丸去日秦關險歸人趙壁完所居吾未卜空  
戴遠遊冠

結髮荆妻死星霜十載餘鼓盆悲未已同穴願

猶虛窆石新題字誅茅舊卜廬  
他時歸隱去誰共鹿門車

歎息人閒世憂歡百事煩  
嬌花方得媵苦竹又殤孫  
薄宦虛舟繫浮名散木存  
始知齊物意蒙叟本卮言

芳草迎新雨幽禽戀故巢  
買山何日隱誓墓此心牢  
家少藏金穴門多戴笠交  
揚雲方執戟何術解人嘲

五十老將至愁多病復侵  
顏齡駒過隙歸思鳥投林  
學道風情減扶衰藥力深  
但求婚嫁畢遊



嶽已無心

自封生壙畢作詩志意

會稽誓守先人墓幽宅吾今卜此峯妙子稠桑  
魂自返司空生壙手親封月明華表思歸鶴雨  
滿平湖看濯龍

是日午後驟雨太湖龍躍他日實生平所未見故并記之

凌雲應一笑佳城環擁翠芙蓉

為朱愚溪題西湖話雨圖并懷張蔣塘明

府

一別錢塘十四年湖山佳處夢常牽却目舊雨  
逢今雨同結裴王畫裏緣

故人今作西湖長我獨馳驅蜀道間何日蓬窓  
一尊酒剪燈相對話巴山

題蔣立崖四丈天遠雲歸圖

世事茫茫何日了白雲惟有歸山好君不見乘  
上卿雲五色深蕭索輪囷世共寶幾時霖雨到  
蒼生曰風牽率空顛倒何似閒雲一葉輕山中  
自悅無人勦我亦身如嶺上雲初心願守青山  
老一朝出岫本無心欲歸未歸自煩惱世人未  
解雲何心猶羨從龍甚天矯觀君此圖忽棖觸  
話到故山歸計杳松菊柴門亦已蕪勞人難卜

歸遲早丁寧重與白雲期一片野心當自保

游梁溪秦氏寄暢園

綠水紅橋小榭深叢生桂樹碧成陰  
我來疑入維摩室天雨新花地布金

螺粉墻平被薜蘿臨溪畧約自橫波  
山重水複無窮處留得雲林畫意多

門外秋山翠蜿蜒故家喬木自蒼烟

先皇翰墨歸然在應有榮光夜燭天

百折回廊窮窅通松宜明月竹宜風  
幽栖爽似逍遙谷巢許夔龍集此中

仙巖春曉圖為陳巢雲賦

曾見劉郎傳列仙洞天深處隔雲烟姓名直可  
同巢父邱壑先教入畫禪不與謝公爭慧業且  
從白傳証前緣知君欲擬遊仙什為詠青溪道  
士篇

九月初舟過毘陵適遇穉存同年六十初  
度賦詩為壽

壽觴舉處酒如淮詩史編年次第排萬里歸來  
公未老三天侍直我曾偕共知名世文章貴  
獨羨還山歲月佳聞說良規陳座右

主恩愛士本無涯

登舟將發適陳桂堂同年自松江來歡聚  
累夕承以詩饒百疊詩冊見示目次卷  
中元韻四首都寄

秋深重理舊征衫一舸移家萬里帆嘉客題襟  
心畫聖貧官燒筍舌根饒五丁開嶂通巴國二  
酉探書入禹巖屈指萍踪幾離合新詩吟就手  
親函

馬上胡纓短後衫江湖無恙故人帆當官妙得  
調羹秘說士甘同食肉饒書學一家淳化閣文

心九曲武夷巖會稽親訪蘭亭蹟縮本重鑄玉

枕函

桂堂近歲主講載山書院有重鑄玉枕蘭亭拓本見惠

手馘黃巾血染衫茫茫宦海未收帆十年消息

鴻難達三食神仙壺尚饒訪菊共登懷杜閣種

桃回憶避秦巖

桂堂曾任辰州太守

不知坐擁書城客誦

到瑯嬛第幾函

一曲琵琶淚滿衫幾時天際見歸帆若論杵臼

心交許纔話尊鱸意已饒座上雲雷三代罷畫

中金粉六朝巖仙郎一路題詩處應有奚奴負

錦函

梅花嶺過史閣部墓追和亡友李介夫編

修詩韻四首

羣小爭城社孤忠戀闕廷共和周柱石諸葛漢  
儀型薶血終成碧飛書已汗青誰能一杯酒跣  
足厭長星

湯說鍾山勝風雲衛孝陵孤軍傳夜火狎客戲  
春燈故劍忘元后淫刑及梵僧忠臣臨難日餘  
恨亦填膺

東南論形勝扼要在揚州北偵三邊堠南通百  
粵舟荒淫遇昏主跋扈徧諸侯坐致長城壞衣

冠僅首邱

遼海

真人出懷柔徧百神三軍除鼠雀四海靖風塵  
定策安神器誅姦及鬼薪周家封墓典第一表  
殷仁

舟過金山寺同福與其婦唱和成詠目次  
其韻

頻年戰馬歷蠶叢此去應乘萬里風客路雲山  
詩卷裏梵天樓閣鏡函中脩成慧業三生定拜  
罷香嚴五蘊空聞說名區留玉帶禪門公案豔



坡翁

趙二開仲相送至京口別後却寄次同福

韻

少年才氣趁三端老去情懷念古歡  
徵士柴桑真獨樂散人杞菊本偕寒  
一篇庭誥應貽子萬里征程又赴官  
欲借歸鴻報消息行人無恙布帆安

武昌感舊作

漢上題襟迹已陳  
筵爐冷煖幾番新  
狐能假虎威難久  
竹喜彈蕉節可真  
禍發疾如弦上矢  
機

深空轉腹中輪南樓一夜清秋月洗却元規百斛塵

雪中登黃鶴樓

畫裏江城萬竈烟城隅高閣對晴川平臨大壑雲垂野獨倚危樓雪滿天徐步自登千仞上舊游還憶十年前神仙路遠家山阻漸看新霜到鬢邊

雪滿江皋蓬底悶坐漢陽太守紀香谷以酒肴見遺走筆成詩

江豚吹浪阻征橈戍鼓紆如起鰲譙向浦雲隨

鴉陣沒打窓風助雪聲驕不辭呵凍成詩草無  
計消寒覓酒瓢愁坐孤篷方寐寔故人雞黍忽  
相邀

書故相劉文清公手書詩卷後

海岱門高冠九州齒牙宏獎見風流當時同入

山公牘江左門生盡白頭

公督學江南余與張  
青城王暢甫沈並生

諸子並  
叨激賞

廿載書紳論不磨立朝先戒受恩多

余已亥鄉  
舉將借計

入都謁公群別公詩討以聲氣  
結納為戒至今恪守不敢忘

泰山自有孤生

竹肯向松陰繫女蘿

蘇黃詩派滿詞壇風雅齊梁近建安留得緣情  
香一瓣不教滄海縱狂瀾

書中三昧自通禪鴻戲龍跳逼晉賢却恨家藏  
名跡少每尋宜祿購雲烟

戒定真如苦行僧楞嚴萬轉佛前燈不須更示

維摩疾一點靈光彼岸登

公無疾而逝

天語親褒有父風何須平仲辨和同世人不解  
調元術錯把模稜議相公

魯國靈光孰比倫孤寒八百受陶鈞不圖後進  
從先進並作春宮侍從臣

臣門如水況臣心地下無人與鑄金今日易名  
標大行始知清節格  
天深